

安肅縣志卷之四

藝文

吳章典麗必出華國之才詞賦雍容端在挾天
之藻漱芳傾液古來不乏鴻篇酌雅稟經近世
寧無椽筆啟文人之枕秘集腋成裘聚藝苑之
琅函裁雲作錦載披邑志如讀東觀之書歷溯
才人恍見西園之盛黃鐘大呂近而步武三唐
玉佩瓊琚遠則駢肩兩漢顧徵文考獻旣經窺
豹於當年而補闕拾遺猶待探驪於此日大開
文苑永煥儒林作藝文志

制文

唐冊遂州都督彭王元則文

五等肇於帝軒周殷不改其制六條創於有漢魏
晉必修其道是知選賢建威莫先於藩衛經邦致
治允資於刺舉惟爾作持節督遂晉果合四州諸
軍事遂州刺史彭王元則幼稱岐嶷夙稟義方
帷汝穎之叱聲績可紀建旗巴蜀之境風心
是用率由令典錫茲寵命傳爾子孫長
聞爲臣子者踐行繼於主事處富貴
驕泰故能播名當時

經籍詢於耆龜見善如不及見惡如探湯無所
以害身無縱欲以敗俗夙夜匪懈罔有後羞可不
慎歟

疏

條陳驛弊疏

趙允亨

邑人

奏爲小邑衝繁驛遞偏累極苦無伸懇乞天恩察
復舊規以蘇民困事臣伏觀大明律內一欵凡天
下軍民利病許諸人直言無隱欽此欽遵竊照臣
縣地方係達京師西南舊止九省今通十二省之
路最爲衝要自永樂以至正德年間額設白溝驛

本縣土民正馬七匹幫馬二十八匹滿城縣土民
正馬三匹幫馬一十三匹新安縣幫馬三匹蠡縣
幫馬六匹江西糧僉馬一十七匹本縣驢二十二
頭祁州驢六頭安州驢一十三頭滿城縣驢七頭
新安縣驢二頭深澤縣驢五頭完縣驢三頭涑水
縣驢三頭蠡縣驢七頭容城縣驢二頭共驢七十
頭及設遞運所車牛本縣三十二隻安州五十六
隻東鹿縣五十二隻新安縣二十四隻容城縣一
十二隻高陽縣一十四隻共牛二百隻朋車五十
輛每牛一隻又僉夫一名共夫三百名專備應

付過往官員使客人等各該州縣照前設定頭役
遞年輪班應當數有定額永爲成規相繼百五十
年差役均平法久變生嘉靖元年有真定府定州
民祖朋張春利已妨人變亂成法告蒙巡撫衙門
集官會議革去各州縣馬驢牛頭夫役察照各處
黃冊實在行糧地畝通融徵糧解發驛遞因弊就
利而爲召募之法江西馬數仍舊其工料馬價什
物銀兩遞年差官彼處取領議將前驢減去二十
頭添價易驢後改易中馬一十四匹共馬八十七匹
驢五十頭所車因牛渾慢改易驢二百頭朋車五

十輜損夫二百名召募新安等處民劉大達等并
本縣民趙瑞等各見利起覓認當前項驛遞夫役
比時差使勻和稍不覺累自嘉靖二十年以來邊
事雲集動調防秋官兵除各省進賁公差使客外
加以邊報聲息運送軍器火藥軍需鞘項往來征
討差使煩繁以致前項召募人役揭債倍利支持
不前召募外處者俱各逃回原籍無人應募法廢
難行合於各協濟州縣照舊提頭應當不科獨於
臣縣僉頭答應受害不過將情具告巡撫衙門
掛本府轉行去任王通判查審本官避嫌

隴回申不與提頭仍在本縣人民內審更及查臣
縣係裁減原設一十六社因累逃亡數多併爲一
十社當差雖有十社之名止有全設州縣五六社
之民賦役出差人丁僅有八千內土中六則止有
二百五六十丁其餘俱是下則貧民致將槩縣官
員監生省祭吏承僧道寡婦盡派於驛遞應役尚
不及數多有編當驛馬又應所驛夫役不但人無
空丁以致驛遞重役立限比責并典兒賣女變產
置買馬騾車輛什物南接清苑北迎定興東來河
間西來易州紫荆等關日符驗關文十不及一牌

票手本數千百倍送往迎來日無休息又兼中東
二路連年水占難行經過官員使客人等各自徐
州臨清等處曲遠西路皆由本縣經過是以差使
愈多夫馬有數應付無窮一馬日顧四差五差一
夫日顧七損八損每差賃馬費銀五錢六錢每損
使錢六七百文甚至千文又有各項長差馬騾貼
備工食等項費銀數多難以盡言每馬賠銀二百
五十餘兩每車一輛并損夫賠銀二百餘兩驛遞
一年約計賠銀二萬餘兩各州縣工料又不依時
解及至陸續解到止數夥帳扣還債主各夫不得

支領江西馬價遞年拖欠又不得領用以此負累
民困財盡富者累貧而躲閃貧者累極而逃竄蕩
產仰家妻子流離委得十分偏苦况本府金臺驛
清苑遞運所提頭應當馬騾驢夫與臣縣驛遞衝
繁苦累害相同彼民亦因召募法廢難行具告巡
撫衙門批府復照舊規提取偏僻原協濟州縣頭
役見令更替應當三年之上蘇民困慶都與臣
縣亦係衝邑害累相同彼民周興具本奏准見行
撫按衙門臣亦比照具告分幣不蒙行查問當馬
當車棄家逃走槩縣人民苦無伸訴及思臣縣社

里僅十有六土瘠民貧人丁不滿八千其七十八
十之人遠出差役五歲六歲之童俱是當差其東
鹿滿城客城涑水祁州高陽等縣地肥民富尚且
脫去站役重差得遂安逸三十餘年臣縣受衝邑
大害負累家家戶戶拆房賣地零凋骨髓盡枯於
驛遞使客進貢內使到來勢如虎狼一時車損夫
馬不及就便凌虐驛遞官脾鎖打夫役尤遭兵火
之懼再思差役之累莫大於驛遞州縣之苦莫甚
於衝邑衝繁小邑原設差役尚當不前又替偏僻
州縣頂當重差是猶以疲夫而負千斤實難乎其

爲力也不惟驛遞難行抑且民命不保伏望皇上
開天地一視同仁之心憫疲邑驛遞繁難之苦乞
勅都察院轉行撫按衙門查照永樂年間舊規比
照清苑慶都秦口見行事體將原協濟本縣束鹿
滿城安州等二州九縣舊額頭役僉解前來驛遞
當差庶不獨累衝繁小邑衆擎易舉經久可行爲
此具本親齎謹具奏聞

記上

安肅縣丈量地畝碑記

通判張守中

竊惟爲國者莫急於養民而養民之政先去其害

民者而已所以使民受害而不能安處故土逃移
他鄉者非民心之得已也窮其根則田地詭移賦
役不均而百姓苦累實牧民者所痛心也某悉閱
安肅縣境內勲戚軍屯達官餘舍錯雜民間地段
相鄰因互爲隱伏富民豪軍恃其財力交結於奸
詭里書那東移西如鬼如蜮千機萬械難以搜尋
且人之情未有無所爲而舍已之財以交結於人
者無非欲愚弄貧民已擅其利而遺害於人耳恐
其禍至又假借權勢俾人無以制其奸稍不如意
則奔投權門輒肆謗讟所以有愛民之心者怏怏

於中可取爲民除害也官既不敢除彼貧民
惟有流亡而已貧民流亡戶口凋耗瘠田荒蕪國
賦不充斯奸人者始則害流於民終則害流於國
且地之在天下古今一轍古之民日富今之民日
貧果地有古今之異哉古時尚有閒田今雖深山
窮谷開墾無遺而民反凋耗流離日不及古人者
非地之故也好詭者擾之而有司不敢制也某節
蒙憲命先出示曉諭凡隱地先首者免罪不首量
出者重懲而軍民各報地數原欺隱詭移者十無
一首間有首出者又非畏法悔過之良心牽連別

故求塞鼠穴耳事出無奈從公丈量自揣職卑任重恐不足以懾服奸宄故先洗心滌慮誓告神明如有受錢枉法以私害公則天地神明必加誅滅然後揀選廉能之官以共其事如原任茂山衛指揮今千總官韓祖琦容城縣典史王進禎保定府照磨李如彰檢校宋素慶都縣縣丞趙夢賢新城縣縣丞葛之藩典史朱鑰新安縣典史李岩安肅縣縣丞王應祺典史汪豪教諭劉地等四十員兼以學德俱優舉人于躍淵生員張嘉謨楊廷直等四十餘名輸誠秉公共爲生民作福又先請

以公議素知病根之人以備下
一議之案誓鈞同盟協謀丈量做模井田之法
河漕河爲界東西以大道爲界中以縣
始起於中央分量於四面用千字編號初
天字終成於時字共用一百八十二字初用繩
次用繩二條每繩圍合各三百六十步做爲
井立名爲區里里相承每區得田五頃四十畝
恐有伸縮復用步尺較量完足四角埋立碑
上書某字號第幾區區中地多者爲區頭量地
暗定上下地土并區頭姓名數目開報號冊

先送查考區頭隨呼集地主各條分縷析丈量各
家數明註某社某甲某人并軍屯莊田佃地某
人上下地各若干畝具區冊送赴公署總收合縣
量畢通將量地官號簿并區頭地
出民地入於民籍剔出屯田歸於
達官軍舍并草場等地俱附於原
幫助戶內軍頭濟軍等項名色俱

量得本縣境內地土共該一萬一

頃二十六畝七分五厘莊田軍

場等地開除三千八百五十五

三臺又除菴觀寺院壇墀古坎道路溝渠及入官
瓦礫等地三百六十九頃二十六畝一分二厘九
毫外猶有民田上下地共七千六十六頃九十畝
七分八毫上地四千九百四十三頃六十八畝七
分七厘九毫下地二千一百二十三頃一畝九分
二厘九毫查本縣先年止有實徵地四千一百八
十七頃四十三畝七分起徵舊例每畝夏秋糧八
合八勺二抄馬草一分三厘四毫六絲桑絲折絹
一二厘八毫六絲七忽花絨一分五厘五毫站銀一
分一厘二毫五絲每上下地八頃五十畝養馬一